



I kam long
Presiden Susan H.
Porter
Praemeri Jeneral
Presiden

**KAVENAN
RILESENSIP**
Presiden Nelson
i tijim se Papa
long Heven i gat
wan spesel lav
long olgeta we oli
mekem ol kavenan
wetem Hem.*
Taem yumi kasem
baptaes mo oli
konfemem yumi,
yumi promes blong
stap tru mo fetful
long Hem. Hem
i mekem semmak
promes long yumi.

Yu Save Mekem Wan Samting I Defren

Papa long Heven mo Jisas Kraes
i lavem yu tumas. From se Tufala
i lavem yu, Tufala i bin invaetem yu
blong mekem ol kavenan, o ol promes,
wetem Tufala. Yu stat blong mekem ol
promes ia taem yu kasem baptaes.

Afta long baptaes blong yu, yu
kasem presen we i Tabu Spirit. Yu kam
wan memba blong Jos Ia blong Jisas
Kraes blong Ol Lata-dei Sent. Hemia
i minim se Papa long Heven i trastem
yu blong yu kipim ol kavenan blong
yu.

?Yu save mekem wanem olsem
wan memba blong Jos blong kipim ol
kavenan blong yu? Yu save welkamem
ol narawan long Praemeri. Yu save
sidaon wetem wan we i niu mo
helpem hem blong lanem ol singsing.
Yu save help wetem ol aktiviti blong
Praemeri. Yu save stap olsem wan lida
tu insaed long famli blong yu. Yu save
askem blong yufala i mekem famli
prea o serem wanem we yu bin lanem
long Praemeri.

Afta we yu kasem Tabu Spirit, yu
save luk ol nid blong ol narawan long
wan niu wei. Yu save prea long Papa
long Heven mo talem, "Helpem mi
blong save huia mi save
helpem tedei." Afta,
Tabu Spirit i save
helpem yu blong
luksave wan we
i stap sidaon

hemwan, o talem long yu blong talem
halo long wan fren. Yu save mekem
bigfala samting i defren taem yu
jusum blong helpem ol narawan.
!Yu stap mekem samting olsem wan
memba blong Jos blong Papa long
Heven!

Papa long Heven i lavem yu. Hem i
wantem yu blong yu lidim ol narawan
wetem eksampol blong yu long
eni ples we yu go long hem, blong
mekem se yu save karem ol narawan
oli kam moa kolosap long Hem. Be
yu no nid blong mekem yuwan. Papa
long Heven mo Jisas Kraes bae neva
stop blong helpem yu. Yu save filim
se yu no fraet taem yu save se Tufala
i stap wetem yu. Yu save pikjarem
Jisas i stap stanap narasaed long yu
oltaem. ●

*I kam long wan intaviu wetem Olivia Kitterman
mo Rachel Peterson.*

?Mi save helpem
huia tedei?

!Raetem ol aedia blong yu
long pepa jen ia!



Wan Jen blong Ol Fren

1. Katemaot waet eria long
raet saed. O raet antap
long ol paten i go long
wan nara pepa blong
katemaot.
2. Foldem i go fored mo
biaen folem ol laen ia
olsem wan fan.
3. Katemaot aotlaen we oli
foldem blong man ia.
4. !Openem mo luk wan
jen blong ol fren oli stap
holem han! Dekoret
olgeta blong oli luk
olsem ol pipol we yu
lavem.



OL PIKA DROING OLI KAMI LONG JARED BEKSTRAN



* "Kavenan Ia We I No Gat En,"
Liahona, Oktoba 2022, 4-11.